

## 史記卷六十一

## 伯夷列傳第一

【索隱】「列傳者，謂敘列入臣事跡，令可傳於後世，故曰『列傳』。」【正義】「其人行跡可序列，故云列傳。」

夫學者載籍<sup>[一]</sup>極博，猶考信於六藝。<sup>[二]</sup>《詩》、《書》雖缺，<sup>[三]</sup>然虞、夏之文可知也。<sup>[四]</sup>堯將遜位，讓於虞舜，舜禹之間，岳牧<sup>[五]</sup>咸薦，乃試之於位，典職數十年，功用既興，然後授政。<sup>[六]</sup>示天下重器，<sup>[七]</sup>王者大統，傳天下若斯之難也。而說者曰堯讓天下於許由，<sup>[八]</sup>許由不受，恥之，逃隱。及夏之時，有卞隨、務光者。此何以稱焉？<sup>[九]</sup>太史公曰：「余登箕山，<sup>[十]</sup>其上蓋有許由冢云。<sup>[十一]</sup>孔子序列古之仁聖賢人，如吳太伯<sup>[十二]</sup>、伯夷之倫<sup>[十三]</sup>詳矣。余以所聞由、光<sup>[十四]</sup>義至高，<sup>[十五]</sup>其文辭不少概見，何哉？」<sup>[十六]</sup>

[一]（書籍。《後漢書·卷四·班彪傳》下：「遂博貫載籍，九流百家之言，無不窮究。」書籍是載事實的，所以稱為載籍。）

[二] ①古代教育學生的六種科目。指禮、樂、射、御、書、數。史記·卷四十七·《孔子世家》：「孔子以詩書禮樂教，弟子蓋三千焉，身通六藝者七十有二人。」②\*儒家的六經。指詩、書、易、禮、樂、春秋。

[三] 【索隱】按：「孔子系家稱古詩三千餘篇，孔子刪三百五篇為《詩》，今亡五篇。又《書緯》稱孔子求得黃帝玄孫帝魁之書，迄秦穆公，凡三千三百三十篇，乃刪以一百篇為《尚書》，十八篇為《中候》。今百篇之內見亡四十二篇，是詩書又有缺亡者也。」緯書有尚書中候，鄭玄為之注。

2122

[四] 【索隱】按：「《尚書》有堯典、舜典、大禹謨，備言虞夏禪讓之事，故云『虞夏之文可知也』。」虞是帝舜國號。舜姓謨，名重華，受唐堯禪而即帝位，是為帝舜，史稱虞舜。在位三十九年。夏禹，姒姓，名文命，號曰禹，因治水有功，受舜禪為天子，在位八年。國號夏。尚書有虞書（今分堯典、舜典、大禹謨，備言虞、夏禪讓之事。

[五] 岳牧：四岳十二牧。四岳是四方諸侯之長。十二牧是十二州長官。

[六] 【正義】「舜禹皆典職事二十餘年，然後踐帝位。」典職是主持職務。興是興盛、顯著。授是付予。堯在位七十年，將遜位，命四岳舉有德者自代。四岳舉舜，堯乃試之；先妻以二女，以觀其內；次歷試諸難，以觀其能。無不成功，堯乃命舜攝位。二十八年而禪位於舜。及禹治水成功，舜命禹攝位，十七年而禪位於禹。事見尚書。

[七] 【索隱】「言天下者是王者之重器，故莊子云『天下大器』是也。則大器亦重器也。」重器是寶物。

[八] 【正義】「皇甫謐《高士傳》云：『許由字武仲。堯聞，致天下而讓焉，乃退而遁於中嶽潁水之陽，箕山之下隱。堯又召為九州長，由不欲聞之，洗耳於潁水濱。時有巢父牽犢欲飲之，見由洗耳，問其故。對曰：『堯欲召我為九州長，惡聞其聲，是故洗耳。』巢父曰：『子若處高岸深谷，人道不通，誰能見子？子故浮游欲聞，求其名譽。污吾犢口。』牽犢上流飲之。許由歿，葬此山，亦名許由山。』在洛州陽城縣南十三里。」《莊子·讓王篇》亦記有堯讓天下於許由事。

[九] 【索隱】按：「『說者』謂諸子雜記也。然堯讓於許由，及夏時有卞隨、務光等，殷湯讓之天下，並不受而逃，事具莊周讓王篇。」【正義】「經史唯稱伯夷、叔齊，不及許由、卞隨、務光者，不少概見，何以哉？故言『何以稱焉』，為不稱說之也。」何故經書不載，而見稱於說者之口？稱是稱述。

[十] 【索隱】「蓋楊惲、東方朔見其文稱『余』，而加『太史公曰』也。」錢大昕以為「太史公是司馬遷自稱。：『子長書每篇稱太史公，皆自稱其官，非他人所加，亦非尊其父也。』楊惲（？-前五四年）字子幼華陰人，大史家司馬遷的外孫。箕山：在河南省登封縣東南，亦稱

崕嶺，夕名許由山。

[+1] 蓋…云；蓋是傳疑副詞。云是語末助語，無義。

[+2] 吳太伯，周太王之子，季歷之兄。季歷賢而有聖子昌（後立為周文王），太王欲傳位於季歷以及昌太伯知之，逃之荊蠻，文身斷髮，示不可用。《論語·泰伯》：「子曰：『泰伯，其可謂至德也已矣。三以天下讓，民無得而稱焉。』」民無得而稱，言故隱其名。

[+3] 倫：輩，等人。

[+4] 【索隱】「謂太史公聞莊周所說許由、務光等。」

[+5] 【索隱】謂堯讓天下於許由，由遂逃箕山，洗耳於潁水；卞隨自投於桐水；務光負石自沈於盧水：是義至高。

[+6] 【索隱】「按：概是梗概，謂略也。蓋以由、光義至高，而詩書之文辭遂不少梗概載見，何以如此哉？是太史公疑說者之言或非實也。」【正義】「概，古代反。」

2123 孔子曰：「伯夷、叔齊，不念舊惡，怨是用希。」[+7]「求仁得仁，又何怨乎？」余悲伯夷之意，睹軼詩可異焉。[+8]其傳曰：伯夷、叔齊，孤竹君之二子也。[+9]父欲立叔齊，及父卒，叔齊讓伯夷。伯夷曰：「父命也。」遂逃去。叔齊亦不肯立而逃之。國人立其中子。於是伯夷、叔齊聞西伯昌[+10]善養老，盍往歸焉。[+11]及至，西伯卒，武王載木主，[+12]號為文王，東伐紂。伯夷、叔齊叩馬而諫曰：「父死不葬，爰[+13]及干戈，可謂孝乎？以臣弑君，可謂仁乎？」左右欲兵之。太公[+14]曰：「此義人也。」扶而去之。武王已平殷亂，天下宗周，而伯夷、叔齊恥之，義不食周粟，隱於首陽山，[+15]采薇而食之。[+16]及餓且死，作歌。其辭曰：「登彼西山兮，[+17]采其薇矣。以暴易暴兮，不知其非矣。[+18]神農、虞、夏忽焉沒兮，我安適歸矣？[+19]于嗟徂兮，命之衰矣！」[+20]遂餓死於首陽山。由此觀之，怨邪非邪？[+21]

[+7] 怨由是希。用，由也，因也，用作介詞。《大戴禮記·曾子立事》：「朝有過，夕改則與之；夕有過，朝改則與之。與是贊許。不念舊惡，故少所怨。」

[+8] 【索隱】「謂悲其兄弟相讓，又『義不食周粟』而餓死。睹音?·軼音逸。謂見逸詩之文，即下采薇之詩是也。不編入三百篇，故云逸詩也。可異焉者，按《論語》云『求仁得仁，又何怨乎』。今其詩云『我安適歸矣，于嗟徂兮，命之衰矣』。是怨詞也，故云可異焉。」

[+9] 【索隱】「按：『其傳』蓋《韓詩外傳》及《呂氏春秋也。》其傳云孤竹君，是殷湯三月丙寅日所封。相傳至夷、齊之父，名初，字子朝。伯夷名允，字公信。叔齊名致，字公達。解者云夷，齊，謚也；伯，仲，又其長少之字。按：地理志孤竹城在遼西令支縣。應劭云伯夷之國也。其君姓墨胎氏。【正義】本前注「丙寅」作「殷湯正月三日丙寅」。《括地志》云：「孤竹古城在盧龍縣南十二里，殷時諸侯孤竹國也。」

[+10] 周文王在殷紂王時為西伯。《史記·殷本紀》「賜昌弓矢斧鉞，副征伐，為西伯。殷之州長曰伯，文王為雍州之伯，在西，故曰西伯。」

[+11] 【索隱】劉氏云：「盍者，疑辭。蓋謂其年老歸就西伯也。」其實盍是反詰副詞，「何不」二字之合聲。

2124

[+12] 「木主」亦云神主，用栗木為之。《史記·周本紀》：「武王東觀兵至於盟（孟）津，為文王木主，載以車。」

[+13] 爰：語首助詞，無義。《集韻》：「爰，引詞也。」

[+14] 太公，周初賢臣，姜姓，呂氏，名尚。初釣於渭濱，文王出獵遇之，曰：「吾太公望子久矣。」故稱太公望。為武王之師，故又稱師尚父。佐武王克殷有功，封於齊。

[+15] 【集解】馬融曰：「首陽山在河東蒲阪華山之北，河曲之中。」【正義】曹大家注『幽通賦』云：「夷齊餓於首陽山，在隴西首。」又戴延之《西征記》云：「洛陽東北首陽山有夷齊祠。」今在偃師縣西北。又《孟子》云：「夷、齊避紂，居北海之濱。」首陽山，《說文》云首陽山在遼西。史傳及

諸書，夷、齊餓於首陽凡五所，各有案據，先後不詳。《莊子》云：「伯夷、叔齊西至岐陽，見周武王伐殷，曰：『吾聞古之士，遭治世不避其任，遇亂世不為苟存。今天下闇，周德衰，其並乎周以塗吾身也，不若避之以絜吾行。』」二子北至于首陽之山，遂飢餓而死。」又下詩「登彼西山」，是今清源縣首陽山，在岐陽西北，明即夷、齊餓死處也。

[二十六] 【索隱】薇，蕨也。《爾雅》云：「蕨，也。」(Pteridium aquilinum, common bracken fern) 【正義】陸璣《毛詩草木疏》云：「薇，山菜也。莖葉皆似小豆，蔓生，其味亦如小豆，可作羹，亦可生食也。(Vicia gigantea, a wild bean plant)」

[二十七] 【索隱】「按：西山即首陽山也。」

[二十八] 【索隱】「謂以武王之暴臣易殷紂之暴主，而不自知其非矣。」

[二十九] 【索隱】「言義、農、虞、夏敦樸禪讓之道，超忽久矣，終沒矣。今逢此君臣爭奪，故我安適歸矣。」

[三十] 【索隱】「于嗟，嗟嘆之辭也。徂者，往也，死也。言己今日餓死，亦是運命衰薄，不過大道之時，至幽憂而餓死。」于(丁口)，同吁，歎詞。徂，往也。人死謂之徂生者來，死者往。兮，語末助詞，詩歌之餘聲，無義。

[三十一] 【索隱】太史公言己觀此詩之情，夷、齊之行似是有所怨邪？又疑其云非是怨邪？

或曰：「天道無親，常與善人。」若伯夷、叔齊，可謂善人者非邪？[三十二]積仁絜行[三十三]如此而餓死！且七十子之徒[三十四]，仲尼獨薦顏淵為好學[三十五]。然回也屢空，[三十六]糟糠不厭，[三十七]而卒蚤夭。天之報施善人，其何如哉？盜跖日殺不辜，[三十八]肝人之肉，[三十九]暴戾恣睢，[四十]聚黨數千人橫行天下，竟以壽終。2125 [四十一]是遵何德哉？[四十二]此其尤大彰明較著者也。[四十三]若至近世，操行不軌，專犯忌諱，[四十四]而終身逸樂，[四十五]富厚累世不絕。或擇地而蹈之，[四十六]時然後出言，[四十七]行不由徑，[四十八]非公正不發憤，而遇禍災者，不可勝數也。[四十九]余甚惑焉，儻所謂天道，是邪非邪？[五十]

[三十二] 【索隱】又敘論云若夷、齊之行如此，可謂善人者邪，又非善人者邪，亦疑也。

[三十三] 「絜行」：行為高絜；絜同潔。

[三十四] 《史記·仲尼弟子列傳》謂受業身通六藝者七十七人。《史記·孔子世家》作七十二人。七十成數也。

[三十五] 《論語·雍也》「哀公問：『弟子孰為好學？』孔子對曰：『有顏回者，好學，不遷怒，不貳過，不幸短命死矣。』」顏回，字子淵，亦稱顏淵，春秋魯國人，孔子弟子。年二十九髮盡白。三十二卒。

[三十六] 時常空匱，無以為生。《論語·先進》回也其庶乎，屢空。」庶乎，庶幾完人也。

[三十七] 【索隱】「厭者，飫也，不厭謂不飽也。糟糠，貧者之所餐也，故曰『糟糠之妻』是也。然顏生簞食瓢飲，亦未見『糟糠』之文也。」糟是酒渣，糖是穀皮。《論語·述而》「賢哉，回也。一簞食，一瓢飲，在陋巷，人不堪其憂，回也不改其樂。賢哉回也。」

[三十八] 【索隱】「跖」及注作「跖」，並音之石反。按：盜跖，柳下惠之弟，亦見莊子，為篇名。【正義】按：跖者，黃帝時大盜之名，以柳下惠弟為天下大盜，故世放古，號之盜跖。

[三十九] 【索隱】「劉氏云『謂取人肉為生肝』，非也。按：《莊子》云『跖方休卒太山之陽，膾人肝而鋪之』。」

[四十] 【索隱】「暴戾謂兇暴而惡戾也。鄒誕生恣音資，睚音千餘反。劉氏恣音如字，睚音休季反。恣睚謂恣行為睚惡之貌也。」鄒誕鄒誕生《史記音》三卷 【正義】睚，仰白目，怒貌也。言盜跖兇暴，惡戾，恣性，怒白目也。

[四十一] 【集解】《皇覽》曰：「盜跖冢在河東大陽，臨河曲，直弘農華陰縣潼鄉。」按：盜跖即柳下惠弟也。【索隱】直音如字。直者，當也。或音值，非也。潼音同。按：潼，水名，因為鄉，今之潼津關是，亦為縣也。【正義】《括地志》云：「盜跖冢在陝州河北縣西二十里，河北縣本漢大陽縣也。又今齊州平陵縣有盜跖冢，未詳也。」

[四十二] 【索隱】「言盜跖無道，橫行天下，竟以壽終，是其人遵行何德而致此哉？-2126-

[四十三] 【索隱】按：較，明也。言伯夷有德而餓死，盜跖暴戾而壽終，是賢不遇而惡道長，尤大著明之證也。

[四十四] 忌諱：禁忌諱言的事。

[四十五] 【索隱】「謂若魯桓、楚靈、晉獻、齊襄之比皆是。」

[四十六] 蹈，踏也。【索隱】「謂不仕暗君，不飲盜泉，裹足高山之頂，竄跡滄海之濱是也。」盜泉：古泉名。故址在今山東省泗水縣東北。舊時亦常喻不義之財。【正義】「謂北郭駱、鮑焦等是也。」

[四十七] 【索隱】按：《論語·憲問》：「公明賈對曰：『夫子時然後言，人不厭其言。』」

[四十八] 【索隱】按：《論語·雍也》「子游為武城宰。子曰：『女得人焉爾乎？』」曰：「有澹臺滅明者，行不由徑，非公事，未嘗至於偃之室也。」

[四十九] 【索隱】謂人臣之節，非公正之事不感激發憤，或出忠言，或致身命，而卒遇禍災者，不可勝數，謂龍逢、比干、屈平、伍胥之屬是也。

[五十] 【索隱】「太史公惑於不軌而逸樂，公正而遇災害，為天道之非而又是邪？深惑之也。蓋天道玄遠，聰聽暫遺，或窮通數會，不由行事，所以行善未必福，行惡未必禍，故先達皆猶昧之也。」【正義】儻音他蕩反，儻，未定之詞也。為天道不敢的言是非，故云儻也。

子曰「道不同不相為謀」，亦各從其志也。<sup>[五十一]</sup>故曰「富貴如可求，雖執鞭之士，吾亦為之。<sup>[五十二]</sup>如不可求，從吾所好」。<sup>[五十三]</sup>「歲寒，然後知松柏之後凋」。<sup>[五十四]</sup>舉世混濁，清士乃見。<sup>[五十五]</sup>豈以其重若彼，其輕若此哉？<sup>[五十六]</sup>

[五十一] 【正義】太史公引孔子之言證前事也。言天道人道不同，一任其運遇，亦各從其志意也。見《論語·衛靈公》孔子本意言各家道術不同，則不相為謀。史公引此文則重在天道與人道不同，一任其運遇，亦各從其意志。

[五十二] 【集解】鄭玄曰：「富貴不可求而得之，當脩德以得之。若於道可求而得之者，雖執鞭賤職，我亦為之。」語見《論語·述而》。執鞭是拿馬鞭，御者之事。言副貴如可求，則雖身為賤役亦不辭求之；如不可求，只好安貧樂道。

[五十三] 【集解】孔安國曰：「所好者古人之道。」

[五十四] 【集解】何晏曰：「大寒之歲，眾木皆死，然後松柏少凋傷；平歲眾木亦有不死者，故須歲寒然後別之。喻凡人處治世，亦能自脩整，與君子同，在濁世然後知君子之正不苟容也。」

[五十五] 【索隱】《老子》曰：「國家昏亂，始有忠臣」，是舉代混濁，則士之清絜者乃彰見，故上文「歲寒然後知松柏之後彫」，先為此言張本也。【正義】言天下混亂，清絜之士不撓，不苟合於盜跖也。

[五十六] 【索隱】按：謂伯夷讓德之重若彼，而采薇餓死之輕若此。又一解云，操行不軌，富厚累代，是其重若彼；公正發憤而遇禍災，是其輕若此也。【正義】重謂盜跖等也。輕謂夷、齊、由、光等也。

「君子疾沒世而名不稱焉。」<sup>[五十七]</sup>賈子曰：<sup>[五十八]</sup>「貪夫徇財，<sup>[五十九]</sup>烈士徇名，夸者死權，<sup>[六十]</sup>眾庶馮生。」<sup>[六十一]</sup>「同明相照，<sup>[六十二]</sup>同類相求。」<sup>[六十三]</sup>「雲從龍，風從虎，<sup>[六十四]</sup>聖人作而萬物？」<sup>[六十五]</sup>伯夷、叔齊雖賢，得夫子而名益彰。<sup>[六十六]</sup>顏淵雖篤學，附驥尾而行益顯。<sup>[六十七]</sup>巖穴之士，趣舍有時若此，類名堙滅而不稱，悲夫！<sup>[六十八]</sup>閭巷之人，欲砥行立名者，<sup>[六十九]</sup>非附青雲之士，惡能施于後世哉？

[五十七] 見《論語·衛靈公》。沒世謂死，疾是恨。君子之所恨者，在不能立德以揚名後世。【索隱】自此已下，雖論伯夷得夫子而名彰，顏回附驥尾而行著，蓋亦欲微見己之著撰不已，亦是疾沒世而名不稱焉，故引賈子「貪夫徇財，烈士徇名」是也。又引「同明相照，同類相求」，「雲從龍，風從虎」者，言物各以類相求。故太史公言己亦是操行廉直而不用於代，卒陷非罪，與伯夷相類，故寄此而發論也。【正義】君子疾沒世後懼名堙滅而不稱，若夷、齊、顏回絜行立名，後代稱述，亦太史公欲漸見己立名著述之美。

[五十八] 【索隱】「賈子，賈誼也。誼作鵬鳥賦云然，故太史公引之而稱『賈子』也。」賈誼(200-168 BC)，漢洛陽人，文學家兼政論家。作『鵬鳥賦』曰：「貪徇財兮，烈士殉名。夸者死權兮，品庶每生

。」「徇，求也，以身從物曰徇。

2128 [五十九] 【正義】徇，才迅反。徇，求也。瓚云：「以身從物曰徇。」

[六十] 【索隱】言貪權勢以矜夸者，至死不休，故云「死權」也。

[六一] 【索隱】馮者，恃也，音；言眾庶之情，蓋恃矜其生也。鄒誕本作「每生」，每者，冒也，即貪冒之義。【正義】太史公引賈子譬作史記，若貪夫徇[財，烈士徇]名，夸者死權，?庶馮生，乃成其史記。

[六二] 【索隱】已下並易繫辭文也。

[六三] 【正義】天欲雨而柱礎潤，謂同德者相應。

[六四] 【集解】王肅曰：「龍舉而景雲屬，虎嘯而谷風興。」張璠曰：「猶言龍從雲，虎從風也。」

[六五] 【集解】馬融曰：「作，起也。」【索隱】按：又引此句者，謂聖人起而居位，則萬物之情皆得?見，故已今日又得著書言世情之輕重也。【正義】此有識也。聖人有養生之德，萬物有長育之情，故相應也。此以上至「同明相照」是周易乾象辭也。太史公引此等相感者，欲見述作之意，令萬物有睹也。孔子歿後五百歲而已當之，故作史記，使萬物見?之也。太史公序傳云：「先人有言：『自周公卒五百歲而有孔子，孔子卒後至於今五百歲，有能紹名世，正易傳，繼春秋，本詩書禮樂之際，意在斯乎！』小子何敢讓焉。」作述六經云：「易著天地陰陽四時五行，故長於變。禮經紀人倫，故長於行。書記先王之事，故長於政。詩記山川谿谷禽獸草木牝牡雌雄，故長於風。樂樂所以立，故長於和。春秋辨是非，故長於治人。是故禮以節人，樂以發和，書以道事，詩以達意，易以道化，春秋以道義。撥亂世反之正，莫近於春秋。」按：述作而萬物睹見。

[六六] 【正義】伯夷、叔齊雖有賢行，得夫子稱揚而名益彰著。萬物雖有生養之性，得太史公作述而世事益睹見。

2129 [六七] 【索隱】按：蒼蠅附驥尾而致千里，以譬顏回因孔子而名彰也。

[六八] 【正義】趣音趨。舍音捨。趣，向也。捨，廢也。言隱處之士，時有附驥尾而名曉達；若堙滅不稱數者，亦可悲痛。

[六九] 【正義】砥音旨。礪行脩德在鄉閭者，若不託貴大之士，何得封侯爵賞而名留後代也？

【索隱述贊】天道平分，與善徒云。賢而餓死，盜且聚群。吉凶倚伏，報施糾紛。子罕言命，得自前聞。嗟彼素士，不附青雲！